

meynem fleische noch bey meynem bluthe Noch bey
 meynem namen noch [bey]meynen gleedern die ich euch
 ouch gegeben habe vnde noch zcu storen wil Eyner
 sal och dem andern seyne ere nicht [nehmen Senet euch
 nicht nach oberigem reichthume Noch vörsmeeth armer
 lewthe nicht. Eret vatter vnde muter vnde liebet]
 ewern eben cristen menschen. Seit getrawe vnde ge-
 bet nicht falschen geczewgk So gebe ich euch ge-
 lucke vnde heil wer] gelobit vnde nicht enhelt der
 ist verloren Wer an dem Sontaghe arbeit vnde arme
 lewthe vorterbeth der ist vorthumit vnde vprflucht
 vnde wirt vorterbeth vnde das ertriche wirt sie vor-
 slingen Ich sage ewch durch meyne muter der heilli-
 gen kirchen [vnde durch den trohen Seraphin vnde
 durch das hewpt Johannis meyns tewffirs Das ich
 warer Jesus Cristus den [selbigen brieff geschriben
 habe myt meynen gotlichen handt vnde wer dar wedder
 redt vnde nicht glewbit der ist vorflucht] vnde ge-
 wynnet nymmer keynen trost noch freude vnde wer den
 brieff hat vnde nicht offinbart der ist von mir vor-
 bannen vnde [von] der heiligen cristennen kirchen vor-
 stossenn vnde von meynen almechtikeit vnde wer den
 brieff von eynem czum andern sendet der wirt von
 [mir] gesegnet. Hette er alzo vil sunde gethon Alzo
 grys Im mer loub vnde gras Im ertreiche vnde ster-
 ne am himel sint [beichttet vnde busset habet rawe
 vnde leyde vmbe ewir sunde so wirt ir ledigk all
 ewir sunde Ich gebyte euch vor [] den tempil go-
 tis vnd haldet meyne gebot so habet ir genade vnde
 hulffe Glewbit genczlich was euch deser brieff
 [sagt wer das nicht gleubt dem werden bornende stey-
 ne In seyn blut gelassen vnde Ir kinder werden des
 bosen todes sterben Bessert euch adir ir werdet ge-
 peyniget In der hellen wann ich ewch fragen werde
 so werdet ir mir nicht konnen geantwo[rten] von
 ewern sunden wegen wer den brieff mit fleisse
 schreibit list adder bey ym tregit vnde In eret
 vnde wirdiget der [wirt von mir geseynet vnde keyn
 donner noch gewitter noch der bosze geist kan Im
 nicht geschaden vnde kompt nymmer [in sein] hausz
 zcu keyner czeith.

Disz geboth gebythe ich euch bey meynem Engel Sanc-